

率

濱

社

錄

下



率濱程氏社錄卷下

程栖

奉贈率楚先生

黃雀飽稻梁啾啾集灌木青鳥厭腥膻遠舉玉
山曲美彼彭澤翁歸來酒初熟獨把東籬花醉
吟情自足君今抱竒璞三獻不見錄弊屣視功
名飄然邁初服允矣葆光華千古匹芳躅

隣翁惠菊

草木有榮悴寒暑迭相更秋風到林園黃葉吹

滿庭佳哉霜下菊燦燦敷寒英謝爾遙相貽蓬
華光輝生昔傳有靈異服之制頽齡呼婦出斗
酒採掇坐前楹暢然放醉歌吾已忘吾形

海樵陳鳴野過訪中洲漁社

聞君家住東海灣日携雲斧採三山玄猿白鹿
無猜忌暮帶烟霞歌月還練溪澄澈萬山裏我
有柴門對流水七尺竿頭懸釣絲三十六鱗鮮
可煮樵漁未面心先知神交每向月明時今日
相逢始相識長髯碧眼神清竒傾蓋中洲即如
故談玄說劍天將暮又駕藍輿出紫陽翥鶴翔
鸞羈不住乘槎我欲訪蓬萊更擬尋君海上臺
借彼仙人白玉館共看幾度桃花開

嘲閒翁不肯飲酒

君不見騎鯨仙放浪斗酒詩百篇又不見柴桑
人快飲不負頭上巾二豪醉魄自長夜芳名藉
藉餘干春羨君幽致兩無亞獨醒何爾臨花下
只恐花神亦怒君明日花容春不借勸盡雙壺
拚醉眠人生有幾古稀年倒着接羅暮歸去一

任兒童喧咲拍手攔街前

宿七里瀨謁嚴先生祠

七里嚴家瀨孤篷岬葦深高風釣臺在遙漢客
星沉蘋薦蒼山月祠專碧樹林猶餘舊時路無
復鶴書臨

賦用達兄心遠軒

陶公心自遠結屋在人寰飲罷杯中物起看溪
上山地偏芳草積天迥白雲還隣父時相過班
荆共解顏

白面庄

路轉清溪曲山開白面庄丘樊望伊邇桑柘已
成行土俗民無偽沙田歲有常龍岡迴暮色一
逕下牛羊

贈少溪主人

高卧綠溪陰桃林映翠岑非忘秦晉代自是穎
箕心不餌磯頭釣無絃壁上琴漁郎誰引入波
逐落花深

吊毅齋吳丈

不見延陵子哀歌烟水深湖山行樂地花木自成林
違世憐高致忘年見素心知音今已矣空抱伯牙琴

堤邊柳

孤樹傍通津蕭疎拂水濱腹穿全受蠹枝弱半含春
猶自驪歌促何堪折贈頻斜陽曾繫馬幾度為傷神

旅夜聞猿

猿猿啼午夜逆旅詎堪聞深谷淒風動空庭落葉紛
慚予歸未得念汝亦離群何年亡楚國林木已遭焚

溪上月

溪上月孤懸閨中誰共憐映波絳可翫驚吹不成圓
人自臨邛阻年無尺素傳此懷難料理永夜對嬋娟

柴門千葉桃花

乞得西池種春工剪抹勻幾枝聯翠羽千瓣綴猩唇
香夢已迷蝶紅光欲醉人自然真富貴誰

率濱社錄
卷一
四
謂草堂貧

喜雲岡翁歸閒

已就歸來賦相逢髮未皤籬邊黃菊在岡上白
雲多詩酒日成趣漁樵時共歌二陶雖去遠風
味今如何

玉泉為塘尾族弟本直題

一派溶寒玉遙從銀漢分泠泠鳴寶瑟晶晶蘸
天文醪醴元同味椒蘭更並芬多君擅幽趣結
屋傍雲瀆

寄石蘿山樵孫貢甫

榮木含秋色停雲起暮思遙從一別去忽是十
年期叢桂烟霞隔殘棊日月移須臾柯欲爛羨
爾出山遲

哭六弟應徵

惜爾才華著數竒悲未逢萬言空倚馬六舉不
登龍花萼月華滿鴿原雪色封已無憂樂共徒
有夢相從

元夕偕來鳳諸兄宴用達兄明遠樓

畫閣凌霄起燈毬闌月圓交輝天不夜况有酒
如泉相對憐垂白高歌學少年良宵能幾見莫
訝醉成顛

盆蘭

靈卉生深谷無人亦自芳孤叢誰遠致一室貯
幽香含霧瓊苞淨飄風翠葉長靜觀心即契物
我更相忘

聞程鶴鳴昆王廬墓中山短章寄慰

未識中山路曾聞松柏林九原人不作寸草思
何深淚染荆花色哀增烏烏音青蓮映岐竹廬
外自森森

寄題孫從周沙上園

別構平沙上遙傳絕俗塵園通脩竹逕門對落
花津白鳥自来去青山長主賓慚予非二仲空
憶蔣園春

贈雙栢程將軍

海上功成後山中身退時黃金兵餉盡白酒債
償遲漁社盟重續雲臺念已衰惟應辟穀叟曠

世共襟期

喜汪古矜仲春雪訪吟社

春色巧粧裁冰花歷亂開正茲延賞處不速喜
能來擬授梁園簡嚴行梓澤杯金聲俄擲賦誰
擅八義才

過塘尾世元姪山亭

青壑白雲連孤亭更翼然地疑鄭谷勝人亦子
真賢果熟從禽集花深自鹿眠我來一登眺萬
象歸吟邊

止耕篇贈吳汝珍二首

數畝未荒穢一犁盟老緣深林藏白屋流水見
黃川栗里返初服鹿門懷昔賢穰穰遂私祝擊
壤歌逢年

世業璜源裏躬耕羨爾賢西成終歲足東作每
春先豹隱山中霧鴻飛網外天慚予徒拓景無
分洛陽田

得荆藩奉祀愛溪子書寄荅二首

二十年来别三千路去遙乘田居下吏盡取報

昌朝夢澤寒雲合。黃山朔雪飄。一緘俄遠至。孤
悶頓全銷。

乞祠憐汝達。不與世爭衡。祀奉竊盛潔。恩深兩
露榮。庭閒禽對語。花近鹿雙鳴。案牘應無累。陽
春繼有聲。

題辰州太守石峯宗丈清朝高尚冊

酉陽迎五馬。兩載萬家春。拂袖俄成賦。孤舟未
艾身。虞廷遭聖主。潁水遂高人。玉漏金門待。何
如沙鳥親。

寄萊峰隱者

六鰲占東海。萬仞駕蓬瀛。凡蹤不可到有。藥能
長生。雲霞隱金屋。冬夏敷琪英。何日來招引。相
遊十二城。

東原田舍

翠竹孤村合。黃花一徑遙。租完無吏過。酒熟有
隣招。山近雲依榻。泉甘月滿瓢。自憐同櫟散。長
得混漁樵。

秋暮懷霞城山人

湖上望秋秋可哀
斷蟬衰柳傍荒臺
十年烽火連吳越
幾處田疇入草萊
孤鴈雲邊無札寄
舊叢籬下又花開
臨風不盡懷人思
落葉紛紛暮雨催

送雙潭翁遊九華

聞道天河懸綠水
森然玉立九芙蓉
路攀西嶺神光近
源出曹溪香味濃
藥化金沙人已去
桃開碧朶術難逢
若從舍利訪遺事
八十四梯最上重

池陽道中有感

山川迢遞曾經處
七載重來思惘然
宿館逢迎非舊識
故人問訊已新阡
杏村春醉花邊酒
秋浦夜移月下舡
樂事于今渾夢覺
風流空自憶當年

贈東白上人

不二空門客到時
一池水月淨塵機
何須扣入三乘妙
已悟從前萬事非
祇樹長留春燁燁
心燈圓照夜輝輝
遠公解得淵明意
雲本無心鳥

倦飛

送吳公甫之武林

新安江水清無極
蕩漾晴雲綠
皺生烟外
擢歌飛彩鷁
樽前惜別語
倉庚六橋楊柳坡
仙興孤嶼梅花逋
老情聞說舟山圍
未解逢人容易莫
論兵

寄大中丞讓溪游公

十年南國未休兵
丹陛掄材授鉞行
千里霜威豹跡
遯八閩天迥瘴烟
清雨無破塊
穀秋熟海不揚波
珠夜明早著勳庸
勒彝鼎黃山花鳥望
旋旌

哭用達兄

廿年林下共投閒
月夕花晨數破顏
此日不堪深涕淚
故交無柰漸闌刪
中洲社罷鷗誰主
暮逸堂空蘚自斑
下馬墩前人掛劍
雲山黯黯水潺潺

送來鳳四兄之信州

二月寒生柳色遲
驪駒聲裡起離思
波明華髮

辭家日帆指靈山霽雨時閒却墳麓花下曲空
傳池草夢中詩賦歸莫後飛霜霰黃菊籬邊秋
滿枝

寄漢上陳蘇山憲副翁

掛冠疇昔憐逢老解綬清時訝此翁白雪幾篇
追絕嚮滄浪一曲遡高風丹山鷓應天朝瑞桐
水絲懸漢鼎功汭上堂開吳楚隔暮雲春樹思
何窮

懷世元姪寓漢陽

淥水蒼茫外長天飛夕霞遊人阻消息兩見開
梅花

孤鴈

叫月哀聲斷棲霜寒影依鴛鴦自朝暮綠水不
孤飛

長干酒家送友東遊二首

簷外青帘颺日黃甕頭綠酒鬱金香盡飲何妨
舟謾發東流百里即他鄉
沙邊分手同惆悵蘭槳雙飛下率灘極目九龍

山峯崒淡煙殘日帶長干

鸚鵡二首

利口竒翎豈自災隴山西望意徘徊早知爭似
無言好免得金條掣不開

隴西邃谷遍喬林一恁高樓巢穴深自啄自歌
無外慕虞人何處網羅尋

小秦源

避秦先世此爲家食有沙田衣有麻那復人間
通姓字可憎漁父問桃花

題南橋主人壁

聞說桃源千樹花花開爛熳映晴霞短筇來訪
神仙宅流水空山啼暮鴉

飲朝父兄肖樂軒

昔人罷樂歸何處碧樹依然池上軒舊客重來
興不減花前留醉有聞孫

見川子宅賞牡丹三首

老去春殘每自悲况逢陰雨度花時寶欄忽訝
留紅葉開向初晴八九枝

昔憐無主平章宅今喜同人川上堂紅臉傳情
羞不語翠裳罷舞靜浮香

花王無忝擅佳名西子新粧百媚生祇恐青皇
催去速玉卮先訂隔年情

咏史

竹帛俱焚鐵盡銷長城延袤接東遼造成萬世
強秦業身死咸陽土已焦

寄賓松寓湖陰

皓首相知獨有君幾臨花月嘆離群黃峰六六

無回鴈

峰名在
衡山

底事音書不易聞

程忠敬

寄東原主人

朱明忽已度秋風動林木思君成鬱陶明月滿
垣屋關河阻且脩徒爾神相逐借問歸來使東
原稻已熟收穫倉廩盈醉歌行鼓腹應憐鄭子
真寥寥卧深谷

遊王喬洞

仙子乘鳧去洞門凝紫烟鳥啼遊客至花發舉

杯前石室留丹竈晴崖落瀑泉長生應有術從
此得攀緣

偕來周叔尋赭山寺

桂棹艤晴沙相携覽物華尋芳度野逕穿竹到
僧家雲鎖山亭寂江流塔影斜市塵從隔斷吾
意駐烟霞

風雨過小山彭翁庄

為覓遺安叟舟沿曲岬斜風漪牽荇帶寒鷺集
汀沙雨隱江邊樹鷄鳴竹裏家相逢成信宿促

席話桑麻

登北固樓

危樓依翠阜登眺俯層霄北極丹霞麗南州野
燧銷海門通日月砥柱立金焦天塹誰云限梯
航職貢遙

關山月

一片溶溶月寒光閃鐵衣朝傳帥府令夜破賀
蘭圍狼矢纏烏藥龍泉吐赤輝單于看繫頸奏
凱玉門歸

蟻磯秋泛

波心片石屹清秋
簫鼓歡遊雨後舟
纜繫陰崖寒翠鞞
風揚霽浪雪花浮
千尋橫鎖俱沉蹟
百萬投鞭豈斷流
酩酊且酬今日樂
白雲紅樹更悠悠

兩關懷古

兩關相望列層城
憶昔曹吳此駐兵
草木尚疑戈戟亂
風雷常作鼓鼙聲
平沙漠漠江波冷
故壘瀟瀟烟霧橫
千古雄圖俱寂寞
空山唯有月

長明

待酒不至

春色惜欲暮
黃鸝還好音
望窮沽酒遠
坐覺落花深

白下亭留別

白門三月柳花飛
我復西遊君未歸
把酒江亭重惆悵
風塵兩地故人稀

程廷進

讀五柳先生傳

我愛陶徵士本是無懷民五斗非所重一壺見
天真高調不偶世曠懷誠絕倫閒披五柳傳千
載仰斯人

秋夜

孤鴻唳秋空明月上東嶺商飈颯然來搖曳長
松影山居既幽邃夜色復澄靜有懷不可求援
琴發深省

懷仙

嵩峰六六插天上少室八百六十丈我愛僊人
王子喬雲裏天壇數來往伊洛吹笙三十春山
頭白日謝時人騎龍如電忽不見下憐浮世惟
埃塵余生嘗慕煉藥說幾欲冥心向巖穴悵望
中天萬里遙安得凌風問真訣

登白岳

白岳巖從高接天靈區開闢今千年根盤地軸
不知幾百里但見三姑五老攢簇如青蓮上有
帝宮千仞倚碧巔飛甍複道標雲烟中有銀虹
萬丈飛流泉霜雷霽雨相喧闐別有神仙煉藥

處丹爐寶氣還依然吾儕夙抱山水癖結社于
茲寄崖石入洞曾緣百尺梯穿雲更有雙鳧鳥
逍遙愛爾羽人家漱灩尊開泛紫霞一曲洞簫
來白鶴數聲鐵笛落梅花人生良會豈常有地
因人勝知非偶謳歌
明聖附群賢百代風流應不朽

、明月照高樓

高樓秋夜月幽思正冲冲暫與雙蛾似還將一
鏡同琴中驚別鶴塞外斷歸鴻房櫳虛不掩流
彩笑床空

、芳樹

芳樹曲池邊春風色自妍朱華深映日翠幙淡
生烟坐惜容光減還驚歲月遷託根未得所空
使路人憐

田居

水石性逾僻田園願不違簷虛青嶂入松古白
雲歸歲月催兒女生涯老蕨薇一枝聊爾寄萬
里自鵬飛

夜月懷本直

林壑夜沉沉秋堂俯竹陰三更明月色萬里故
人心鵲遶風枝冷蛩吟草露深稽康何意緒坐
石獨鳴琴

遊玄天觀

玄闕三天上清秋四望空湖光開曉鏡橋影落
晴虹丹竈春長在蓬壺路自通何因逢石髓萬
里駕飛鴻

讀出師表

三顧勞明主憂勤見始終忠肝懸白日正氣薄
秋空已盡平生力惟圖尅復功金刀曆數盡于
此恨無窮

秋浦客舍寄來鳳來周

九華為客日兩載未通書豪邁長憐汝飄零轉
旣予雲陰廻野薄天影倒江虛遙憶賡吟處池
塘草夢餘

五月菊花

菊本三秋艷何如中夏芳只云存晚節詎意變

炎涼玉貌如籠月仙姿疑帶霜樽前聊採擷重
午即重陽

秋日賦得折楊柳送仲寧北遊

楊柳向江湄西風落葉時臨岐贈遠別那忍折
殘枝淮水探陳蹟彭城吊古祠明春應有約青
眼望歸期

七夕望牛女

玉露收殘暑江城泛夜涼雙星臨鵲架片月度
銀潢歡共更籌盡愁仍機杼長旅懷應不淺為
爾轉淒傷

池陽旅舍有懷用達

故國一為別江城秋又分誰憐孤館日悵望幾
重雲晚信潮難到寒聲鴈不聞夜來空有夢名
嶽遠從君

登應臺山亭

路轉松蘿靜亭開天宇清風雲登絕頂氣色鬱
西京鐘阜平環野東河曲抱城故園不可見鴻
鴈送秋聲

彌陀石

溪上幾拳石何如以佛名漲銷螺髻現苔綉衲
衣明每聽迴瀾激猶疑法雨聲欲窮清淨理相
對學無生

螢火

林塘垂暮景螢火照清秋綴樹花開夜穿簾燈
上篝風前光亂閃水之影雙流空負明珠質含
輝暗裏投

並頭菊花

併序

小園蔣菊並頭共蒂燁然盛開稽諸菊譜
殆未有此余甚竒之爰賦以紀其異

燦燦東籬下天然自吐竒雙頭連理日一氣共
開時風動香爭藹月流影並移山人探菊譜漫
賦紀祥詩

曲池荷

甘藕深藏雪幽池曲抱弓蓋擎朝雨翠花夔晚
霞紅雙鷺迷香岸群魚戲錦叢荷衣應自製蓮
社更誰同

和汪古矜仲春雪訪吟社

風花春仲月驚見雪催詩
愛爾能相過詞林羨
白眉舡非訪戴夜馱是
度橋時憶昔菟園會遺
風今在茲

漁家

九曲入仙源深居無襍喧
白茅三板堵綠樹數
家材鷄犬散莎岸烟波
映葦門瀟然人世裏自
是一乾坤

桂初軒併序

辛酉之秋族姪來周闢地
叢桂間小構適
成天香初泛遂以桂初
名軒一時詞林群
公播諸聲詩余竊希心焉
卜隣有期灑翰

聊贈

三徑陶家菊孤山逋老梅
羨君軒就構俯檻桂
初開翠影涵詩榻幽香
泛酒盃卜隣應着我皓
首共徘徊

田居卧病酌汪甥希說見過

杜門谷口重愁予伏枕
兼旬髮未梳好景已隨

春去後賞心空逐絮飛餘芳塵有路喧過騎舊
雨無人顧弊廬不是此甥能注意茂陵誰念病
相如

秋日喜世元姪過訪小酌漫賦

山林氣肅門巷清况復采采黃花明牙籤充棟
有真趣壺觴滿筵無俗情不勞折簡走童子忽
漫抱琴來友生闌干並倚送醉眼江漢萬里秋
盈盈

從軍行

金勒五花驄男兒心膽雄一朝應召募萬里遠
從戎南北玉門限東西隴水通胡霜寒拂劍漢
月滿隨弓烏陣衝雲黑龍旗閃日紅向懷投筆
志不減據鞍風直踪賀蘭缺橫行沙漠空左賢
生繫項歸報明光宮

登慈雲嶺

石磴岩崑倚赤霄亭分南北望中逢六橋湖水
流雲影三折錢塘上海潮越國風烟秋冉冉吳
山木葉晚蕭蕭可憐岳武還祠廟千古逢人說

宋朝

春日來周姪携酒挾妓招遊齊山

齊山入望錦雲裁日照芙蓉江上開出郭從知
三里近乘閒能得幾迴來瑤臺紅粉春相映艷
曲清樽興自催十二畫欄橫醉眼恍疑劉阮遇
天台

中洲秋集

雙溪綠水夾滄洲兩岬蘆花十里秋放棹虛疑
天上轉啟筵真訝鏡中遊碧雲紅樹酣斜照錦
石晴沙狎野鷗縱飲且同今日樂何如杜老曲

江頭

觀廬山瀑布

一道破烟霏奔流下翠微雷轟不暫息疑是玉
龍飛

逢僧

青山幾百盤鳥道獨扳陟有僧出白雲相逢不
相識

秋閨

聽鴈倚南樓三湘黃葉秋
愁心與江水日夜涓涓流

宿紫霄崖

瑤臺金闕九天開霞被雲裊
五色裁夢入銀河從地轉
乘槎直探斗牛回

春日登齊山宴三竒亭感舊二絕

宴啓三竒亭上春停盃何事
獨傷神拂闌楊柳猶青眼
不是當年載酒人

昔年高調啟朱唇檀板當筵
勸酒頻今日重來歌舞地
盡梁無復下輕塵

程應徵

感莪篇

有莪有莪在澗之涯被春霖
兮載霑載濡歲聿云暮我心
憂悲

有莪有莪在澗之陽被春風
兮載鼓載颺歲聿云暮我心
憂傷

有莪有莪在澗之中被春日
兮載灼載融歲聿云暮我心
憂忡

雜詩

卞玉固世珍，潛耀荆山陽。不登瑚璉用，燕石有輝光。

文杏生空林，允矣巖廊材。班碩苟不遇，湮沒隨蒿萊。

騏驥日千里，長鳴向塵達。所以漢賈生，重發鹽車吁。

憫鶴篇

胎仙胎仙非凡翼，如何墮足虞人畢。特立耻同鷄鶩群，長鳴似慕鸞鳳匹。江湖八月秋風高，雲霄伴侶聲嗷嗷。半窻松月獨延佇，滿屋茶烟安避迹。赤霄碧海幾千里，毛羽毳毳飛不起。縞衣光瑩愧雪霜，丹頂朦朧混泥滓。窓前翻羽日幾迴，昂歲意氣寧為摧。會須長汝搏風翼，十二蓬丘恣往來。

贈東溪陳隱君

東溪之水來何從，涓涓上與銀河通。雲霞映波天浩浩，花竹迷島春融融。高人飽領溪山趣，板

屋數椽倚洲樹輕颺兩岬把釣餘白月滿船呼
酒處已忘機事鷗雙下每愜幽懷鶴一聲漢陂
瀟灑應媲美磻溪高風還可并

竹枝詞

思郎懶上南高峰思郎懶上北高峰不為峰前
多風雨望郎不見反愁儂

西湖柳色應時黃鴛鴦瀟瀟雙雙翔倩誰為寫
三春景趁此春前寄與郎

民謠頌宋令君

往年田中收穫多盡給公家無幾何今年田中
收穫少倉有餘積租能了門外無吏來索錢滿
山紅日不妨眠老農見此能有幾便須呼酒招
隣里人道令君好長上我識令君作何狀

贈溪翁

風塵不染迹小構傍清漣趣入鯨魚隊夢回鷗
鳥天雙橈搖島月孤嘯落汀烟却恠陶朱子勲
成始放船

真州送世元姪之楚

旅懷不可極况復送行舟白浪孤篷去黃蘆兩
岍秋三山愁外立七澤望中流後夜江樓月酣
歌憶舊遊

王昭君

空把琵琶怨朔風紅顏薄命古今同當時若是
尋常貌不惜千金買畫工

陳平

可咲當年孺子陳大言誇耀里中人紀生空死
盧生王宰漢何如此肉均

程積周

行路難

君不見見鴻門氣焰何熏灼昔日霸圖今寂寞又
不見金谷繁華孰比倫昔時羅綺今荆榛贏得
眼前一杯酒浮雲富貴吾何有行路難行路難
狼吞虎噬駭人而當關不如歸來兮卧空山

薄倖篇

有花莫向豔陽光有女莫嫁薄倖郎豔陽光景
還難恃薄倖郎心那得長自從結髮來君室君

才妾貌未低昂同心帶綰絳紗帳合卺杯飛白
象床此情自信存膠漆幽操還期歷雪霜可憐
弱質非金石班姬紈扇奪秋涼聞道新人美如
玉羅幃繡幙炫花燭殷勤借問却自疑歡愛何
如妾嫁時

戊婦詞

瑟瑟秋風黃葉飛團團夜月鑒重帷玉門烽火
猶傳檄紫塞征人未授衣

歸來

故國三年別扁舟此日歸手栽溪上柳青滿釣
魚磯

程廷梓

楊白花

楊白花開金屋空青銅鏡裏紅顏歇可憐夜夜
連臂歌剪剪春風腸斷絕

塞上

毳府天山外風鳴金僕姑河水傳渡馬烽火過
飛狐磧遠黃雲斷沙寒白草枯中宵喧號令新

駐五單于

覺苑寺

杳杳三千界，樓樓不二門。
鐘樓寒月曙，草砌候蟲喧。
慾海殊無岼，恒河信有源。
從師問真偈，趺坐對晨昏。

寄向近村

李愿歸盤谷，龐公隱鹿門。
憐君解朱綬，避地近西村。
三徑烟霞滿，連原竹樹繁。
誰言八世裏，別有武陵源。

秋夜雨懷

暮秋霜露繁，山城轉寂寞。
復此夜雨寒，誰念羅衾薄。
陰蟲鳴短床，殘燈照高閣。
耿耿不成眠，惆悵暗銷魄。

過桃源懷隱者

紫鸞玄鶴惜離群，路入仙源不見君。
兩岸桃花迷近遠，數聲鷄犬隔重雲。

春江曲

春風泛棹若耶溪，葉嶼花潭路欲迷。
萬里玉關

人未返月明空照綠楊堤

程棟

江廷和過訪南庄次韻惜別

山童報有客鞍馬繫斜曛故國遙過我荒村獨
見君開樽秋浦月泛棹暮江雲正此慰寥寂萍
踪惜又分

送惟化貢元北上

送君上北闕綠樹轉鶯時何以餞行色春風柳
一枝路轉隋堤曲舟循淮水湄

明王虛席問南國尚瘡痍

溢江送仲寧叔之同安

同安孤棹去烟浪一江深共此窳窳地那堪離
別心山空木葉盡天遠鴈行沉何處相思切月
明滿竹林

秋浦訪吳惟青

乘閑尋舊侶秋色滿江隈對此黃花候深傾綠
蟻杯萍踪還自愧藻翰愛君才不覺青山暮扁
舟細雨催

秋夜懷吳汝善

霜葉下高林柴門秋氣深相思無鴈過一別又
蛩吟村巷踈砧夜江湖久客心冰絃欲自理何
處覓知音

客夜懷劉執中

風霜當歲晚落葉滿柴門千里人難晤寸心誰
共論星河孤客夜烟火數家村尺素何由達空
勞役夢魂

仲春朔會宴集

勝會當春仲溪堂風日清座間移樹影花外度
鶯聲更喜竹林宴無慚蓮社盟清時從曠達何
用慕簪纓

贈閒菴翁

泉石幽深甘隱遯籜冠卉服野情宜白雲滿逕
秋慵掃紅日閉門午睡遲鶴引花前携短杖詩
成月下醉深卮蹇予亦有投閒志安得相從採
紫芝

送朝甫兄入陝

春風疋馬向西京一路飛花送客行把酒長亭
分手後相思無奈杜鵑聲

庄居初夏

綠車軋軋乳鷄啼槐柳院落藤蘿蹊昨日今日
雨意動東疇西疇農事齊

程孟白

對雪讀孟浩然詩

烈風吹朔雪饑鳥集寒枝白晝掩柴荆載誦浩
然詩觸景即有得初非用意為穠麗若春華典
雅如朱絲陶謝固其匹陳杜元並馳高標不可
見鬱鬱生遐思

揚白花

寂寞長秋宮輦路春草綠飛來揚白花翻作相
思曲

蠶事

東郊桑葉青女兒不得寧共道今年蠶事好日
看頭白筐筐老閨中辛苦足三眠纍纍滿箔金
珠聯榴花爛熳梅子熟家家機杼憐長縑早晚

但願公家給尺寸不望入私室年來賦役公家
多私室空虛可柰何

大水嘆和蘄春高二岩翁韻

我皇建極庚申年湖湘之水勢連天蜃氣成樓
海若咲崩圩蕩洩無完田近水人家失依宿兩
兩牽衣相向哭攜家詢詢就高岡翻畏魚龍競
奔逐徹夜不眠直到明誰將昏墊苦蒼生却恠
人來自西海縱馳白馬飛蹄輕舉足龍磯聊引
望拍岼撼山更巨浪漁人炊爨向城頭浴鷺常
穿樹杪上名園花卉亦難支多少亭臺勢欲欹
正愁汎濫浹旬日况復霪雨仍淋漓畫船在昔
諧心賞只今那鼓中流槩亂葦秋深鴈影空懸
崖布瀑雷聲響千門萬戶盡皇皇市居不似舊
平康願蘄時雨三十六相將擊壤歌虞唐

春江詞

送郎莫到春江頭江柳垂絲江水流水流一去
不復返柳絲難繫郎行舟

寄衣曲

瑟瑟秋風驚妾心
寒衣未寄恨彌深
辛勤織得鴛鴦段
欲剪不剪忍教斷

遊金山寺

孤嶼碧崔嵬
何年紆宇開
樹明江雨霽
沙出海潮回
老衲鳴鐘後
靈鼉鼓浪來
幽懷不可盡
還上妙高臺

塞上

胡騎三秋動
將軍按九邊
旌麾搖塞日
雨雪濕狼烟
駟馬金鑣控
貂裘寶劍懸
功成那受賞
歸種隴西田

秋思

颯颯涼風至
冥冥暮靄浮
芭蕉孤館雨
橘柚半林秋
已變潘郎髮
偏深宋玉愁
江湖渺萬里
何處是安流

讀書銀山寺

負笈依蘭若
窻開水石邊
銀山因李顯
鐵壁自蘇傳
皓月流書榻
疎鐘落講筵
未攄匡世策
學海意空懸

采石

長江望不極絕嶂倚斜暉綠水停歌榭青林出
酒旂閒雲流石潤新月映沙微遙憶謫仙子騎
鯨何處歸

贈玄玄山人

卓犖南村叟棲遲早息機分餐供野鶴收榭製
山衣爐養丹砂火雲封白板扉玄玄歸衆妙自
與俗相違

同何秋潭遊鳳棲崖

古洞中天啓藤蘿一逕迴偶逢紫衲侶共話白
雲隈石化棲崖鳳苔侵卧佛臺翛然疑出世即
此是蓬萊

溪行

徐步清溪曲長歌答物華捷猿時掛樹幽鳥對
眠沙濕翠山葳雨繁紅水映花偶逢垂釣侶坐
話夕陽斜

喜家君歸閒

喜遂明農志歸來鬢未斑灌花聊適意垂釣且

供閒雲片從舒卷鷗群任去還未能調鼎餽菽
水日承顏

小亭為塘美世元叔題

小築平岡上風泉自可聽
虛明吞萬象瀟灑見
狹亭碧草通樵徑
青山擁畫屏從知幽意愜不
草太玄經

登吳山望錢塘江

一上吳峰眼界開
錢塘浩瀚接蓬萊
蛟龍噴霧三山動
鵬鷲搏風九萬迴
客艇亂依漁艇集
浪花漫作雪花堆
英豪千古今誰在
獨羨桐江有釣臺

白嶽山訪道侶

石門金闕倚天開
迢遞尋真此日來
瑤草琪花盤曲磴
丹霞翠霧鎖香臺
輸君玉訣黃芽妙
慚我紅塵白髮催
相對月明橫鐵笛
紫霄峰上鶴飛回

寄秋江翁

三年作客楚江東
消息何如杳未通
鷗社鷺盟

頻入夢是貧非病漫相同登樓祇自憐王粲設
帳令人憶馬融六水田園歸未得高飛正爾羨
冥鴻

翫葵

燁燁庭堦下枝枝倚檻斜可憐傾日意開向野
人家

程汝祥

行路難

人心殊莫測世路苦多岐念此歲云暮風塵何
所之君不見太行山九折坂覆轍相尋自可鑒
叱馭而旋漢王陽千金之子不垂堂

烏夜啼

烏啼烏啼風滿枝少婦停針憶別離雙垂玉筍
蹙蛾眉藁砧猶向交河後越南燕北天一涯中
宵寶月浮繡牖夢裏相逢覺何有願言停獻靖
邊塵功成身退同白首

楊白花

楊白花無定處珠簾繡戶春寥寥萬里飛空不

可住不可住夜何其可憐宮女蹋歌時

紫騮馬

騮馬五花駿霜蹄蹀躞雄長鳴辭日下逐虜向
雲中鼓角三邊靖風塵萬里空將軍書露布捷
奏未央宮

俠客行

結客氣橫秋揚揚躍紫騮片言重山岳長揖向
公侯搏虎曾同卞殪蛟肯羨周祁連功已樹不
受萬金酬

甲寅秋夜懷族姪世元

有客有客天一方我思悠悠夜未央三年徐榻
為懸梁無乃關河阻且長秋風蕭颯振林薄桂
樹山中猶沃若仗劍歸來相棲託君不見只今
滄海東豺虎噬人行日中

訪汪禹乂蘿山別業留飲

相違忘歲月相見話陳雷我抱棲霞志君懷補
衮才飛泉琴瑟叶靈岳畫圖開中聖淹行跡松
蘿白日催

贈吳澤臞

名山迴大澤屏跡愛臞仙
辟穀逢真訣輕身自
引年踈梅開庾嶺老鶴下青田
高格渾無異神
游萬里天

新月

西樓晴向夜斜影入重幃黛淺眉初畫
輪虧兔未肥漫因成大藥暫伴搗寒衣
萬里關山北兵戈已解圍

讀太白山人詩

逸駕超司馬高風並許由
南探茗水日北望隴山
秋浩嘯乾坤遠長吟花鳥愁
相思不可見蘿竹午亭幽

觀潮

二氣旋升降三山自去來
謾言鱗出穴遙見蜃
為臺觸石秋飛雪砮厓霽吼雷
茫然欲作賦愧匪出群才

金山

金山盤砥柱江水匝成圍
隔岸舟航渡遙空鶴

鶴飛潮聲寒入寺秋色淡浮衣坐覺塵機息入
間萬事非

秋夜懷吳邦珍

美彼延陵客商山屏跡深向無朱紱累時有紫
芝吟引睇雲連樹停盃月滿林徒勞張敏夢何
日盍朋簪

贈汪仲嘉

古樹寂無譁比隣只數家閒親綠蟻盞醉卧白
鷗沙歲月雙吟屐乾坤一釣艇鶴書從不到玄
論有侯芭

立春

萬方開寶曆令節又逢寅鄭谷從高蹈原家祗
舊貧辛盤情更適村酒味猶醇政此關幽事梅
花索咲巡

贈別汝先之蘄覲省

嚴君游宦日之子省蘄陽蟻泛春樽滿驪歌驛
路長擲金探武庫懷玉煥文昌况是同庚侶翩
然羨馬良

簡汪明湖古矜

長日棲遲處衡門湖水清
三秋曾泛棹一別正含情
草賦同楊子懷才擬賈生
從知空劫累身與白鷗輕

暮歸

文章窮莫送儋石願多違
每為傳經出常從薄暮歸
陰垂蘿覆徑光映月浮衣
稚子能相慰歡迎竹下扉

冬日感懷

白日駒馳隙青山歲暮天
吹毛空有劔負郭已無田
末俗應誰託浮生轉自憐
何如雙去鶴雲路信翩翩

輓嵩南弟秀才

南國觀光去西風失意回
誰知挾策者更為玉樓催
真宰何由問嵩雲鬱不開
生芻多士莫忍聽鳳雛哀

仲春朔會值雪

從知三白兆豐年又見飛花二月天
天上界輕盈

來萬鶴中林真率會群仙當杯弄影迴吟榻眩
眼流輝傍舞筵司馬鷄裘安用典清樽更有酒
如泉

秉燭花下

野懷礪砢坐來消花樹山中春自饒不但浮杯
酣白日還須秉燭對清宵半牕風月香尤泛一
榻琴書色更嬌樗散百年隨所寓昇平海內頌
神堯

昔遊

尋幽訪古累詩篇憶昔江湖興灑然對客不彈
馮子缺逢人取醉阮公錢寒光獨愛清溪月紫
氣長瞻白下天勝事相關勞夢寐蘭舟鼓棹復
何年

竹枝詞

匣鏡盤龍懶自開金錢暗卜意還猜思郎不似
雙飛燕楊柳青青一度來

守歲

轟轟爆竹接比隣自愧燈前五十身材酒盈樽

聊取醉桃符明日又逢春

程忠潤

芳樹

庭前有芳樹相對足閒吟
露葉出新沐春禽調
好音雲來添錦幄日度下重陰
常恐金風早蕭疎漸不禁

巖上僧

巖上高僧住空門不設扉
危峰入罕到獨樹自相依
夜月清禪榻朝雲濕衲衣
坐談三昧法轉覺世情非

失群鴈

同群離塞北孤影落江湄
為有隨陽意翻成失路悲
高飛喚侶急俛啄顧人疑
二月陰山道愁看獨去時

避暑焦山寺

水閣疑無地山空別有天
因逃三伏暑得扣六根禪
烟裊猊爐篆燈明寶座蓮
襟煩聊一滌更覺絕塵緣

程自邑過訪池陽客舍

逸士來高駕文光動草廬青山淹杖屨玄論瀉
璠璣僻地無兼味清溪有白魚暫留還促去落
日重愁予

舟次七里潭

遠水雙江入空山七里潭安流心共靜倒影月
初涵末路少知己新詩只自談孤舟不可進兵
甲尚東南

郢中

泛舟已歷東南勝仗劔仍從西北遊郢地漫嗟
人物去漢江長繞帝鄉流非才難和陽春調
浪迹空登白雪樓不有奚囊堪少貯眼前風景
倩誰收

九日登楚望樓寄崑崙陳先生

停舟沔上值芳辰與客登臨發興新楚望樓高
通北望漢津水遠接天津聖王祥瑞原鍾郢
大地山川本控秦四海一家全盛日何妨醉墮
白綸巾

別高士岩

飄蓬愧我無知己交誼憐君若弟兄明日河梁
分手去吳山楚水不勝情

過蘇山陳憲伯城南別業

解組歸來構草堂堂前野水即滄浪忘機鷗鳥
時相狎倚檻芙蓉秋自芳萬里廟廊無夢寐百
年丘壑有文章天光雲影真圖畫似勝王維輞
上莊

酌蕭山人惠履

別去俄成吳楚分中間消息恐難聞于今雙履
猶雙鳥早晚飛來一見君

七夕呂文川王謙山費錦泉高聯璧費
荆湖諸君過訪讌集楚望樓

一上高樓眺八荒湖光樹色正蒼蒼人君闌闔
暑偏熾席倚虛空景自涼漫有德星當翼宿任
教織女度牛郎不嫌旅邸無嘉味剪燭飛觥樂
未央

送五嶽陳先生督學蜀中

昨拜 皇恩辭闕下今傳教令入巴西一天化
雨隨車幘八郡瞻雲候馬蹄孝海有源巫峽淺
筆峰獨銳岷山低曲江宴賞知高興花鳥爭輝
恣品題

獨酌

東西浪跡任長貧天定何勞問屈伸白首放歌
猶看劍紅塵落魄肯依人因耽湖海扁舟趣却
縱乾坤八尺身濁酒自斟還自笑更從醉裡道
吾真

吟社諸公擬賦喬松霽雨見贈賦此奉
酌得渾字

昔年結屋傍松根爲愛風濤清夢魂老榦凌霄
玄鶴到新枝過雨綠雲屯日移難掃長來影客
至須開不盡樽但使歲寒能作伴浮沉世事任
胚渾

登北固樓

山橫北固枕江干樓倚層空星斗寒鴈去淮南
關塞香潮回京口海天寬漫嗟舟楫違初志且

作登臨愜大觀萬里乾坤開霽色五雲深處是
長安

贈霞城山人

霞城山人超世士角巾長映白雲袍慣遊海宇
窮名嶽未向塵寰拂寶刀一代詩篇擅大雅百
年功利眇秋毫草堂已築泐溪上始信岩丘有
鳳毛

乙卯秋仲泛舟入淮次天臨洲寄山中
故人

更深山吐月流影見真州岬火未休市風潮
繫舟江防鳴柝夜客况斷鴻秋踽踽誰相問
吟倚柁樓

閒菴

新築虛堂少四隣青藜白鶴伴閒身門開竹裏
非逃世徑轉松陰已絕塵流水行雲心不競落
花啼鳥自知春陶然獨卧南窻下一枕清風太
古人

鹿

野性誰能識竒毛自作斑千年葦養就處處有
青山

宮怨

輦路苔痕合君恩不似初早知新代故肯着綉
羅襦

子夜吳歌

月明烟水雙槽鳴三更吽吽過吳城阿儂樓上
停針線一對鴛鴦綉不成

銅雀妓

終朝歌吹有誰聽空鎖樓臺高數層疑塚纍纍
松檟冷更從何處望西陵

程鎮

詠懷

巖桂敷秋華澤蘭榮春輝天道固不齊物理各
有宜志士達時命慷慨復何為百年寓宇內流
景速西馳懷玉不適用遂委塵與泥安得冥鴻
翼凌風奮高飛

閭闔阻且遙道路局更迫傷我軫軻懷恨恨愴

中夕美此宓妃質蹇脩安可值曠世與我違窮
節固磐石

苦寒行

北風虜烈吹地裂天山山前三丈雪黃河凍合
萬里流胡兒躍馬矜矯捷山高雪深行路難毳
府羶墻豈識寒前軍失道不敢進使我壯士摧
心顏

寄衣曲

閨前草綴露華白西風淅瀝寒吹妾獨下瑤階
見井梧一夕飛霜變黃葉沉吟幾度開香篋看
取齊紈如白雪金刀翦破練江秋銀針刺落朱
樓月遠聽嘹嘹度孤雁含情弔影夜將半萬里
遼西何處邊燭殘轉覺迴腸斷衣成摺疊緘紅
淚長路叮嚀附邊使

夢來周

南國有佳人十載隔山坂東風苦牽情吹我夢
魂遠相遊江月新相醉江花煖長林動鷄聲超
忽片時返

古豔詞行

江上采芙蓉采采傷懷抱道遠不可將秋風吹
欲老

子夜歌

綿纏理機杼欲織鳳與鸞終日不成錦何以裁
合懽

關山月

明月滿涼州思君倚戍樓光懸五嶺夜影落九
邊秋鼓角黃雲慘烽烟白草愁昆夷何日滅高

照寶刀頭

偕汝攀過近亭山居

逶迤尋幽人茅齋轉溪靜夜來山雨過林雲濕
門徑谷棲霞癖深泉湛道心淨巖頭挂巾烏禮
踈宜野性恣酌到蘿月沉冥鳥初定

與仰峯諸友宴華陵徐氏園

高柳啼鶯緩名園綺席移江妃投珮處巫女歛
雲時落日歌何壯深杯坐不辭愛入花下月延
賞滯還期

夜出衡山縣河口

河口放船花欲燃
春江西望水無烟
青山兩岸連明月
一夜乘風疑上天

早渡淮水

漂泊悲遊子
投繻向薊州
山河分曙色
霄漢動高秋
古木荒陂盡
寒雲野戍稠
勞歌渡淮水
離思轉悠悠

懷兄伯光

聞道荆門客
今遊湘水東
十年佩長劍
萬里滯孤篷
骨肉風塵外
關山涕淚中
鵠原獨延佇
天遠斷飛鴻

錢從兄時啟遊金陵

白下興王地
西風仗劍遊
一杯江上酒
五兩日邊舟
山入吳雲暝
霜飛漢樹秋
謝亭休引眺
景物使人愁

郢城逢弟諲

郡國幾年別
江南萬里遊
亂離難見汝
老大易傷秋
細雨同姜被
東山憶謝樓
還憐一尊酒
郢

上對孤舟

紫霄翁山居

誰識武陵客松雲自一家青山依鹿豕白日卧
烟霞書秘黃庭要丹成金鼎砂閒看流水去人
世隔桃花

武夷山遊

河落九曲潭巖開一線天神仙迷處所樓觀即
依然不夜蓬丘月長春玉竇泉麻姑從見後東
海幾桑田

偕池于淵過明遠紫溪幽居

遠歷紫溪裏條然隔世喧亂峯少行客深谷忽
成村白壁年長種金丹火自存鶯啼覺何處風
日似桃源

嘲閒翁不肯飲酒

今日中和日啣杯莫放杯座當同志滿年過古
稀來斗酒不懽飲春花空向開昔人行樂地惟
見匝青苔

薊門送李裕之關中

策馬金臺下，淒風慘別顏。
煙塵長帶劍，雨雪獨臨關。
野樹連秦道，京城遶蓊山。
送君愁不極，隴水共潺潺。

吳臺懷古

吳王一築姑蘇臺，日醉西施宮不開。
十二欄杆歌舞夜，何人報道越兵來。

程良瑾

早過盱眙縣

望望盱眙市，凌晨匹馬過。
天圍淮野迥，地接楚山多。
生計慙書劍，鄉心憶薜蘿。
玄冬霜霰集，歸路渺關河。

過吳澤臞山居

石室青山裡，桃花一徑迷。
顛崖飛瀑下，深竹野禽啼。
宿火燃丹鼎，晴雲覆藥畦。
世人不可到，羨爾獨深栖。

觀妓

章臺佳麗地，花柳競芳辰。
忽訝盧家女，應疑洛浦神。
曉雲堆鳳髻，春雨綻櫻唇。
不惜千金貴，樽

前買咲頻

送朝甫之東吳

送客秋將暮
驪歌促別杯
江通嚴子瀨
地接越王臺
日落孤帆遠
天高一鴈回
休耽尊鱸美
瀕海尚風埃

程時仗

魯仲連

齊國有高士
倜儻誰同倫
抗節負奇氣
排難并解紛
垣衍者誰子
倡言欲帝秦
寧蹈東海死
不為斯世民
攻狄有先見
憤激田單軍
矢書下聊城
燕卒泣殺身
不受千金賞
歸來寧賤貧

田家夜歸

白日忽西匿
倦鳥栖丘隅
驅犢暮歸來
明月盈前除
濁酒聊自斟
顧笑諧妻孥
碩言足禾黍
擊壤歌康衢
所樂在丘園
緬仰沮溺徒

莫相疑行

青袍白馬誰家子
鳴鞭來往長安市
鬪鷄走狗五侯門
意氣憑凌人莫比
自言白首結交歡

千斗酒恣遊盤明日相逢不相識寧知反覆如
波瀾莫相疑莫相疑黃金不多心不知雷陳管
鮑竟誰是媿爾區區輕薄兒

楊白花

楊白花零落隨風去韶華一夕空宮樹萬里飄
揚不知處踏歌猶自未停聲珠簾掩映天將曙

湘江懷山中

淹留南楚日心事慨多遠江上春先到天涯客
未歸片雲空自望短劍獨相依遙憶黃山下東

風長蕨薇

過王十嶽先生園居留宿

相違今十載重見倍情親燭剪西窓雨芹烹北
澗春文罇玄論洽藻思郢歌新久矣思王翰從
茲頭卜鄰

暮行

遠墅寒烟合荒原燐火明長風吹短褐片月伴
孤征南渡愁風浪東遊厭甲兵何時賦歸去谷
口學深耕

李漢社錄 卷下 五十一
觀射

將軍乘暇日較射傍山陰豈為穿楊巧應懷報
國心巖前驚墮獸天際避飛禽竚見功成後羗
胡不敢侵

秋水芙蓉

群卉已消歇芙蓉正靚粧自緣其晚節寧肯媚
春光淡日明丹臉微風拂翠裳幽貞人不采江
上獨含芳

客中逢友人

歲月親朋遠音書久不聞風塵悲作客岐路喜
逢君繫馬依秋樹留觴話夕曛醉餘那忍別愁
思亂江雲

登越江樓

吳山興不盡更上越江樓樹色孤城暮潮聲八
月秋音書空旅望雲物倍鄉愁兄弟今何處飄
零向北州

柴門千葉桃花

流水雙扉僻桃花千葉新繁枝迷斷岸艷色照

芳鄰漫並武陵勝還同鄴下春此中棲隱者不
是避秦人

望潮

縱目錢塘上寒潮萬里來更疑星野動翻訝雪
山頽巨勢凌空起餘聲觸岸迴鷗夷千古事空
使壯心摧

登落石臺

竒石平於席何年落碧流偶來尋勝蹟恍若入
蓬丘崖絡藤蘿古汀迴竹樹幽更疑從此去花
外有漁舟

錢塘邂逅民澤姪同舟西歸

別汝經年久相逢喜氣生烟江舟共載花市酒
同傾客路隨山轉雲帆逆浪行故園風月在重
洽竹林情

秋日道中

風雨暗長城驅車尚遠行江雲凝暮色木葉墮
秋聲鴻雁生鄉思尊鱸動客情塵途空後後薄
劣嘆浮生

登鎮海樓

癸丑歲作

獨上危樓望眼賒半江湖落見平沙雲橫故國
一千里樹繞重城幾萬家岳武祠前秋色淡宋
家陵上夕陽斜西風不盡登臨恨烽火年來接
海涯

過東吳有感

春深疋馬東吳路海上頻驚報羽書柳暗津橋
無客度鳥啼村巷少人居兵戈滿眼猶防戰舟
楫經時尚未疏况復黃昏聞野哭停鞭回首重
躊躇

旅夜

旅館寒燈夜正中庖除玉露下梧桐月明烏鵲
枝難定世難豺狼路未通萬里生涯悲落魄十
年踪跡嘆飄蓬勞歌滿引樽中酒彈劍空憐意
氣雄

送友人北上

片片飛花撲酒甌嚶嚶黃鳥喚離愁莫辭祖餞
河橋醉賸喜觀光上國遊路繞燕山蒼樹合天

連鳳闕綵雲浮此行好獻匡時策霖雨還應澤九州

席上酬汪古矜

賡歌湖上日欲昏主人留客松下門霞光弄彩射瑤席月明倒影流金樽浣花幽勝此堪並北海高風今尚存陶然一醉不知返白石高枕眠雲根

喜雲岡歸閒

一羶游宦楚江濱解綬歸來喜見君白社重尋鸞鶴侶青山更與鹿麋群心閒不異陶元亮官冷元同鄭廣文名德久為當路重肯容高卧老松雲

洞庭山晚眺

岸幘幽尋窮絕壑長歌遠望陟危巔東吳迢遞寒江外西楚蒼茫落照邊鷗鷺盤雲秋氣勁鼃鼉徙穴晚潮旋扁舟瀟散憐漁父短笛橫吹入暝烟

仲春朔會雪宴時翠樓

雪片輕盈舞太空溪樓更喜一樽同禁寒疊巘
深迷翠近暖天桃半露紅勝賞不殊梁苑宴豪
吟賸有謝家風危欄醉倚舒雙眼疑在蓬壺第
一宮

夜半五老峯頭望月

山空夜涼真境寂萬里無雲河漢碧天風颯颯
不停吹千巖玉露澄秋色山人散髮醉初醒獨
倚危巔望月明丹洞參差松影亂天門窈窕桂
華生一帶平川皎如雪玉宇瓊樓更清徹海上
烽烟尚未平忍見清光照吳越

宿紫霄崖

朝從白嶽遊暮接紫霄宿靈區闕烟霞丹房翳
蘿竹冲漠愛黃冠談經出凡俗盤飧為我供酌
以金樽綠玄鶴忽飛來洞簫時一曲曠懷莫不
羈浩歌振林谷頽然卧月明涼風吹幽獨

春江曲

裊裊江堤楊柳芳遊人三月去瀟湘柔條不作
維舟纜空向春風拂地長

程子彬

閨婦吟

君昔遠行時。春寒花未吐。君今胡不歸。霜葉已辭樹。紅顏暗裏催。青銅羞自覩。寂寂掩深閨。明月穿牕戶。無語對孤燈。潸然淚如雨。

病起同舍弟榮過黃麓山人巢雲軒

病起同惠連。幽尋過黃麓。斗室巢閒雲。虛軒護脩竹。玉笋泛香醪。瓷盤薦野菡。白雪出新篇。珠璣驚萬斛。頓覺却沉痾。言旋照蘿燭。

竟陵寄友人留關中

十載滄江別。魚書滯去來。暮雲迷楚澤。寒雨暗秦臺。驛路不逢使。梅花空自開。黑貂今已敝。歲晚轉伶才。

崑石何先生過訪

地僻逢迎少。蕭然歎索居。忽勞高士駕。遙過野人廬。茗分江水飭。盤剪雨蔬論。文坐深夜松。月滿堦除。

秋日過夢野魯翁蓮北山房

七澤懷龍卧三秋過雁門菊花明綺席竹葉映
瑤尊闕閱遺風舊衣冠古意存草茅慚我拙何
幸挹春溫

晴川阻雪寄芝南江丈

雪暗華陵道雲深鸚鵡洲乾坤千里客歲月一
扁舟村酒難祛冷城烏謾引愁山陽酣飲處能
復念同遊

吳雙松汪湖隱諸社丈過訪看牡丹並
得未字

有客集茅堂問我花開未嫩蕾怯春寒深枝藏
富貴茗碗且交歡石欄愧姚魏重來爛熳時村
沽安惜費

鄱陽阻風懷蒙泉江表弟

離家六百里彭蠡阻行舟斷雁遙天暮寒蘆夾
岸秋尤風偏作浪細雨不禁愁何日東湖上清
尊話舊遊

過雪溪翁桂初軒留讌花下

一訪高人宅相留花下觴半簾移晝影滿座撲

天香縱飲情偏洽長歌興欲狂何當賦招隱借
我築山房

園居

闢園成小隱背郭結幽棲水竹環垣淨烟蘿一
徑齊門閒無客到花落有鶯啼敢謂逃明世
年來學灌畦

郢城客舍送何汝化之富池

祖席義河濱持盃益愴神郢花紅帶雨富水綠
生春顧我仍羈客怜君又問津相逢更相別回

首欲沾巾

偶顯

身世蜉蝣外乾坤夢幻中黃金非已有白髮與
人同客路空彈鋏韶華似轉蓬直須超物累不
用泣途窮

重陽江上即事

紛紛歌舞醉新豐佳節翻憐逆旅中孤艇寥寥
誰送酒大江漠漠獨飄蓬去年吟對催花雨此
日愁添落帽風遙憶故園籬畔菊幾枝空向夕

陽紅

止耕篇贈吳汝珍

明時只謂烟霞侶僻處惟其鹿豕隣
蔽芾桑麻五畝宅徜徉天地一間身
清泉白石詩偏富綠酒黃雞計未貧
謾效長沮終遯跡阿衡元自起耕莘

送陶南華先生北上春試

沙堤積雪喜新晴寶劍金鞍趁曉征
北極五雲迎去旆中天孤月照離情
彤庭策對三千日霄

漢鵬搏九萬程虛席

聖明如有問疲癯南國

念蒼生

遊栢山寺喜中夫丈載酒醉賦

叢林隱隱法雲堆野客鳴筇此日來
午飯未食香積供春醪先覆故人杯
萬松過雨團蒼蓋半壑流霞映綠苔
更喜行厨樽尚滿山僧何事暮鐘催

金陵懷古

虎踞龍盤擁畫圖金城千里帝王都
燕尋舊

主堂何在草長荒池錦不鋪花發鳥啼猶爛熳
宋陵梁竊總湮蕪看來霸業今銷歇惟有清淮
浸月孤

惜春

半月不出戶春向雨中殘草深迷曲徑花落逐
清湍

漁家

舟外蘆花合沙邊人跡稀鷗群不飛去知爾已
忘機

長干酒家送友

送客那堪對落花離愁又向夕陽斜杖錢暫解
留君醉何日重來醉酒家

夜讌張姬席上贈桃

銀燭高烧清宴開誰家僊子下瑤臺袖中偶出
雙朶贈可是西池會上來

楊橋步月

夾岸垂楊拽晚風小橋流水淡烟籠杖藜散步
閒吟際皎皎銀蟾掛碧空

程孟秋

聞詔

青霄飛鳳詔隆慶肇鴻基瑞日浮金殿祥雲擁
玉墀萬方思德澤四海仰雍熙願效華封祝無
疆 聖壽期

山翁餽茶

仙茗來陽羨爐烹火自紅慙慙謝諫議飲啜效
盧仝蒸氣清凝霧生香細引風更憐真味在解
渴有奇功

楚南得家母消息

千里新安使高堂有報書開緘懽舞跪讀淚
漣如正怪飄零久從知定省踈嚴程促歸日得
免倚門問

重午值雨懷少川家兄

細雨逢重午相思日幾迴石蒲觴懶泛池草句
頻裁鴻鴈三湘遠風塵兩鬢催經年無一字那
得好懷開

讀宛溪梅大叅清風集

滇南辭宦海宛水渡迷津報豈忘 明主求無
愧野人冥鴻誰敢慕沙鳥自相親剩得投閒趣
衡門五柳春

讀宋遺民錄

我愛宋遺老高風並古賢竟於亡國日不肯戴
胡天北狩塵沙外西臺涕淚前數聲秦吉了哀
切使人憐

縱鳩

養汝剛盈月雙雙性已馴羽毛殊可愛飲啄更
相親幸免樊籠繫從知天地春應時須喚雨一
為慰蒼民

過寶福寺

寶福白雲裡沙門倚石開林深無暑到地僻有
春來貝葉翻禪榻天花下講臺坐聞僧說偈轉
覺絕塵埃

夜遊

尋樂苦晝短春華詎久留揮戈日不轉秉燭夜
相遊鐫竹題詩句攀花作酒籌明朝恐風雨空

對落紅愁

正月見燕

江上春初到幽花開未齊孤鴻猶踏雪雙燕已
銜泥窺戶語聲細入簾飛影低自知貧主在還
向故巢棲

鶴

本是超凡翮卑棲楚水濱同聲思鳳偶獨立恥
雞群遠舉搏千里長鳴徹五雲林翁百世後惟
我最憐君

遠別離

二八誰家女臨岐最可憐一朝辭母氏萬里向
幽燕淚頰花含雨愁眉柳鎖烟相看回首地無
語聽啼鵲

送僧

西竺高僧去雲深繞萬山叅禪應有待飛錫幾
時還

夢歸

思家夜夜夢歸家不怕山河險更賒覺後依然

身在楚梅花枝上月初斜


率濱社錄卷下終

書率濱社錄後

或問三百篇後無詩信乎雲岡子曰非也
三百篇後代有作者然則曷謂無詩曰所
貴乎詩者幾乎性情止乎禮義使讀者自
然感動也否則誇奇競巧而無補於世道
夫安得不謂之無詩漢魏以降以詩鳴者
不啻幾千百家而論者歎稱杜陵為詩家

中興得非有見於其播諸聲詩者皆愛君
悼時之誠正所謂發乎性情止乎禮義者
與吾率濱之以詩鳴者雖為社相與資益
然德業維脩放達維懲未嘗癖於詩也歲
戊申夏雲岡子過訪心遠軒值社中諸君
咸集焉出其所為詩一帙請為之評雲岡
子惘然曰予非知詩者曷克評諸然嘗聳
世之論詩者輒尊漢魏右晉唐而左宋焉
是錄也玩其辭審其音漢耶魏耶晉耶唐
耶宋耶固不知其何居然皆發乎性情止
乎禮義溫柔敦厚雋永冲雅有不可以易
及者是為得三百篇之旨而有禱於世前
也不既多矣乎波歔歔然漢晉唐宋之辯
奢抑末也已諸君莞爾而笑曰有是哉

卷之八
戊申孟秋上浣雲岡子序拜書



程